

Սուրբ Էջմիածնիս, ի յուզղել և ի կարգաւորել զկարգ և զկրանս Հայաստանեայց սուրբ եկեղեցոյ. Եւ այս եղև ի շնորհաց Սուրբ Հոգւոյն և ի խնդրոյ հայկազեան տոհմի, և կամակցութեամբ արևելեան վարդապետացս. Շմաւոն վարդապետէ, Սարգիս վարդապետէ, Դաւիթ վարդապետէ, Դանիէլ վարդապետէ, (և) Ազատորդեացս և համաւրէն ամենայն ազգիս: Զոր և մեք ի հարկէ ապաւինելով յամենակալ նախախնամութիւնն Արարչին ամենեցուն՝ ի Տէր մեր Յիսուս Քրիստոս, եւ յանձն առաք զայս անտ(ան)ելի հոգաբարձութիւնս սուրբ եկեղեցւոյս Աստուծոյ. և բազում շնորհաբաշխութիւնս աբարաք ի յոյժմ ժամանակիս: Եւ ընդ սոցին եկն և Խաչատուր վարդապետն ի հնազանդութիւն սուրբ աթոռոյս Էջմիածնիս, և մեք մեծ սիրով և պատուով ընկալաք զզա ըստ տէրունական հրամանին. և երբ առ մեզ զթուղթն ինքնակալ թագաւորին Փազեմիրին, եւ Լովի տանուտեբացդ և զկամենէցիդ: Եւ մեք միաբանութեամբ վարդապետացս և եպիսկոպոսացս՝ ձեռնադրեցաք և աւրհնեցաք զզա եպիսկոպոս մայրաքաղաքիդ Իլովի աթոռոյն և իւր ամենայն բոլոր վիճակին, որ են այսօրիկ. Աստուածայէն մայրաքաղաքդ Իլովի, ի Սեչոյն. աստուածազոյգ և գեղեցկայարմար քաղաքդ, կամենէցն և յայլ շրջակայսն: Որ և առաջնորդութեամբ միածնի Որդւոյն Աստուծոյ առաքեցաք առ ձեզ զհաւատարիմ և զսիրելի հոգևոր որդիս մեր զՏէր Խաչատուր եպիսկոպոստ ձեր առ ձեզ՝ արհնութեան նամակաւ և բարձր հրամանաւ և սըրբալոյս սուրբ մեռոնաւ, քարոզել և խրատել և ուսուցանել զձեզ՝ զնալ յարէնս և ի պատուիրանս Տեառն, (անարատութեամբ) և սրբութեամբ, կալցին(ա) հրամանաւ մերով ի վերա ձեր առաքելարար իշխանութիւն կապելոյ և արձակելոյ զմեղուցեալսն և զապստամբեալսն ի յաւրինացն Աստուծոյ և ի կանոնաց սուրբ եկեղեցոյ, և զանհնազանդսն իրաւամբ խրատել սաստել յանդիւմանել և մխիթարել: Որով և դուք ամենեքեան սիրելի որդիք մեր ի Քրիստոս, զառաքելաշնորհ եպիսկոպոսդ զԽաչատուր վարդապետ՝ մեծաւ սիրով և պատուով յոյժ ընկալարուք զզայ, որպէս զհրեշտակ Աստուծոյ և զառաքեալ Քրիստոսի ի դրանէ սուրբ աթոռոյս առ ձեզ առաքեալ: Այլ և զամենայն կանոնեալ հասս և զիրաւունս, զոր աւրինաւք և կանոնաւք պարտիք տալ Աստուծոյ բաժին, լի և անթերի առանց խորելոյ տուք ի ձեռս նորընծա տէր Խաչատուր եպիսկոպոսիդ ձերոյ: Եւ մի՛ ոք իշխեսցէ հակառակիլ զըմա կամ ընդդիմանալ հրամանաց դորա. իսկ որք յանդրգնին և հակառակին, ի ներքոյ դատապարտութեան և պատժոյ լիցին: Իսկ հնազանդեալք դորա և հրամանիս մեր՝ արհնեալ լիցին յԱստուծոյ և յամենայն Սրբոց և ի մէնջ: Ամէն: Իսկ կապեալք և բանադրեալք ի դմանէ՝ ի նմին մնացեն, մինչև հնազանդեսցին, և ապա առցեն զարձակումն և զթողութիւն ի Տէր Խաչատրի եպիսկոպոս վարդապետեհ, կամաւ և ոչ ի հարկէ կամ բռնութեամբ, Վասն որոյ ի մտանեն դորա ի յաւրհնեալ վիճակդ իւր, իջցէ և շնորհք ողորմութեանն Աստուծոյ յերկնից ի վերա ձեր եւթնպատիկ, և լցուցէ զձեզ աւմենայն բարութեամբ: Բարձցէ ի ձէնջ և յաշխարհէդ ձեր՝ զամենայն ցա-